



# Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 3

Yangia anidakangma : Tir Yimiyim

tiryimiyim@aolima

tir yimiyim

TAPAK 7

Kechiba sensakertem tang tashi timtemer? : Mayawati

US aser China ya tsükchir masü tembar asütsüla: Xi Jinping



VOL. XXI ISSUE NO. 194 (ADOK 194) DIMAPUR KÜPTOKNÜ (SATURDAY) RONGCHII (APRIL) 27, 2024 ₹ 5.00

## Tanü nungi Nagaland ajungalen shishilembabaren mokdangtsü

**Dimapur, April 26, 2024** (TYO): Confederation of Nagaland Chamber of Commerce and Industry (CNCCI)-i April 27, 2024 nungi Nagaland ajungalen mapang telatet makai shishilembabaren ajak shibangtsü lemtetogo.

Dimapur Chamber of Commerce and Industry (DCCI)-i Nagaland sorkar dang tashiyim agi sen meshiba aser tax saruba azüoktsü takhangba agütsüba sülen district balala nung DCCI temi

pusemba sayua tanü telatet makai shishilembabaren ajunga anentsü shia liasü.

Nagaland sorkar nungi Naga telungpur teloktemi telangzüba tajungba kecha tashiyim agi sen meshiba aser maliba ajanga CNCCI-i asüng amokmerenba den ano telok nungi lungkak aitba tenzüksü balalai özüng alema tax metetdaksü aser district unit meshiba ajanga Naga nunger rongsenketzüng tsütsü iba mapa akangakanga timtemer ta CNCCI-i ashi. mepishia sangoktsüogo.

State sorkari mapang shitak Ajsüka iba tenokdangba nung DCCI-i benokba onüktem kübok bank, shisaliok rejutem, agizüka mapa meinyakra sorkar office tem aser medical CNCCI-i lungkak aitba dak sendakba maparen ulushitsü aser April 27 nungi madentsü ta CNCCI-isa Nagaland ajungalen mapang metetdaksüogo.

## June 26 nü Nagaland Municipal election agitsü

**Kohima, April 26, 2024** (TYO): June 26, 2024 nü Nagaland nung urban local bodies (ULBs) elections agitsü atema sorkari Hokolbar mulunga agizükogo.

Tanü State Cabinet senden amendang ULBs election agitsü mulunga agizük ta Municipal Affairs Department-i State Election Commissioner dangi shidi ka zülü.

June 7 nungi 11 tashi nominations asütsü aser April 29 nü election dak sendakba osang tejanga metetdaksütsü.

Nagaland nung tetsür nem shilem 33 lemezükja tang mezüng atema municipal elections agitsü. Nagaland nung 2004 küm elections agiba sülen küm 20 lir taküm ULBs election agitsü.

State sorkari ULBs election agitsü osang aiben sangdonga liasü saka kin hohotem aser telok balalai tetsür nem 33% lemezüktsüba aser ali o kiojen nung tax agitsüba anema election magiteti aruogo.

2017 küm T R Zeliang-i anir

state sorkari ULBs elections agitsü merandang özüng alema mapa inyak. Idangji nisung ana taküm sama aser sorkar kiojentem den office tem raksatsü. Iba ajanga T R Zeliang'er sorkar loksatsüsa aküm.

Supreme Court-i tuyuba ama Neiphu Rio-i aniba sorkari yaküm March ita tetsür nem 33% lemezükja election agitsü osang metetdaksü. Ajsüka telok balalai magizükba ajanga elections athi aser Act of 2001 agiena liasü.

Iba sülen state sorkari yaküm November ita tetsür nem 33% lemezükja Nagaland Municipal Act 2023 lateta liasü.

ULB elections ken o ya Supreme Court nung reprangshimdar aser December 11, 2023 nü SC-i April 30 tashi nung iba maparen tembangtsü tetuyuba agüja liasü.

State Election Commission-i Nagaland nung Municipal aser Town councils 39 nung Electoral Roll meyipa reprangshia renemogo.

## HIGH SCHOOL LEAVING CERTIFICATE EXAMINATION, 2024

### Successful first twenty position candidates (in order of merit)

POSITION	NAME & SCHOOL	ROLL NO.	TOTAL	WAE	PERCE	14.(e)	14.(f)	14.(g)	14.(h)	15.	16.(a)	16.(b)	16.(c)	16.(d)	16.(e)	17.(a)	17.(b)	17.(c)	17.(d)	17.(e)	17.(f)	17.(g)	18.(a)	18.(b)	18.(c)	18.(d)	18.(e)	19.(a)	19.(b)	19.(c)	19.(d)	19.(e)	19.(f)	19.(g)	20.(a)	20.(b)	20.(c)	20.(d)	20.(e)	20.(f)	20.(g)	20.(h)	20.(i)																																																																																																																																																																																										
1.	MHACHILLO YANTHAN Christian Hr.Sec.School,Dimapur	241804036	593	A	A	98.83%	St.John's School Kohima	241603082	576	A	A	96.00%	14.(f) RUTH Y LOTHAN Libemo Memorial School,Wokha	241816162	576	A	A	96.00%	14.(g) TIANILA St.Mary's Hr.Sec.School,Padampukhuri	24181129	576	A	A	96.00%	14.(h) ANKUSH CHAKRABORTY Holy Cross Hr.Sec.School,Dimapur	241131128	576	A	B	96.00%	15. AMINA YESMIN Don Bosco School,Tseminyu	241107059	575	A	A	95.83%	16.(a) MEDONGUNO TERHÜKHANO Little Flower Hr.Sec.School,Kohima	241107319	575	A	A	95.83%	16.(b) VIMHANO KERE The Vineyard, Kohima	241802088	575	A	A	95.83%	16.(c) SHREYA DEBNATH Pranab Vidyapith Hr.Sec.School,Dimapur	241811273	575	A	A	95.83%	16.(d) SHOUMIK PALIT Little Star Hr.Sec.School,Dimapur	241809170	575	A	A	95.83%	16.(e) CAROLINE C EZUNG Holy Cross Hr.Sec.School,Dimapur	241103227	574	A	A	95.67%	17.(a) IMKONGSUNGIT JAMIR Fernwood School,Kohima	241106232	574	A	A	95.67%	17.(b) SWEDESÜNÜ SOTHU Mezhür Hr.Sec.School,Kohima	241404141	574	A	A	95.67%	17.(c) LIROPONG AO Sacred Heart School, Mon Town	241811282	574	A	A	95.67%	17.(d) W MANKON KONYAK Little Star Hr.Sec.School,Dimapur	241802200	574	A	A	95.67%	17.(e) IMKONGSENLA LONGKUMER Little Star Hr.Sec.School,Dimapur	241603060	574	A	A	95.67%	17.(f) MERIYANI C HUMTSOE Libemo Memorial School,Wokha	241603087	574	A	A	95.67%	17.(g) ZAREN TASLIM KHANDAKAR Libemo Memorial School,Wokha	241107081	573	A	A	95.50%	18.(a) PRIYA RAI Little Flower Hr.Sec.School,Kohima	241202246	573	A	A	95.50%	18.(b) SANJANA MECH Greenwood High School,Alichen	241404171	573	A	A	95.50%	18.(c) NONLEM KONYAK Sacred Heart School, Mon Town	241808123	573	A	A	95.50%	18.(d) RAJNISH KUMAR SINGH M.G.M.Hr.Sec.School,Dimapur	241806297	573	A	A	95.50%	18.(e) SUBHASHREE SAHOO St.Paul Hr.Sec.School,Dimapur	241103036	572	A	A	95.33%	19.(a) IMJUNGLILA JAMIR Model Hr.Sec.School,Kohima	241103252	572	A	A	95.33%	19.(b) AKOKLA JAMIR Fernwood School,Kohima	241104268	572	A	A	95.33%	19.(c) KELENO THORIE Trinity School,Kohima	241841250	572	A	A	95.33%	19.(d) NIRMALA BRAHMACHARIMAYUM Cosmopolitan School, Chumoukedima	241301148	572	A	A	95.33%	19.(e) CHAANG SONLA CHANG Holy Angel School,Tuensang	241809267	572	A	A	95.33%	19.(f) TUHIN DAS Holy Cross Hr.Sec.School,Dimapur	241808094	572	A	A	95.33%	19.(g) JOISMITA BISWAS St.John Hr.Sec.Residential School,Dimapur	241101111	571	A	A	95.17%	20.(a) KEKHRIENGUNUO SOLO Northfield,Khikha	241101125	571	A	A	95.17%	20.(b) MENGUTUONUO ZATSU Northfield,Khikha	241106243	571	A	A	95.17%	20.(c) VIPHRENO KUOTSU Mezhür Hr.Sec.School,Kohima	241107315	571	A	A	95.17%	20.(d) TEJOKENO SOTHU The Vineyard, Kohima	241404139	571	A	A	95.17%	20.(e) KHUPGUGIN HANGSHING Sacred Heart School, Mon Town	241813060	571	A	A	95.17%	20.(f) BARFU DAIMARI Greenwood School,Dimapur	241809172	571	A	A	95.17%	20.(g) CHANDINI SINGH Holy Cross Hr.Sec.School,Dimapur	241808065	571	A	A	95.17%	20.(h) HONGPE W KONYAK St.John Hr.Sec.Residential School,Dimapur	241807111	571	A	A	95.17%	20.(i) TEMSUJUNGBA Lima Aier Hr.Sec.School,Dimapur

## Doctor kümer timtemertem yaritsü tejangraba lir :Kr. Narola Imsong

**Mokokchung, April/ Rongchii 26(TYO):** Laishiba nungi Tsüngrem o zünga mapang agia sarasadem kelenang ni lesson bushi tenzü ta, Nagaland Board of School Education(NBSE), Higher Secondary School Leaving Certificate Examination 2024 Science Stream nung Topper-1 Kr. Narola Imsong-i ashi.

Arishi küm 18 tain Kr. Narola ya Queen Mary Hr. Secondary School,Mokokchung nungi aser lai total marks 481 nguteta percentage 96.20% agi iba jenjang ajangzük tetogo. La ya Class-10 tatidang nunga kasa school nungisa Top- 14 nung takok ngua liasü.

Kr. Narola ya Yaongyimsen nunger Wb. Rongsenwati Imsong aser Akhoyatsür Wt.Atula Noklen tena jala tantsüla aser tenu tebur ka lir aser pajia takum Class-10 pass süogo. Par ya tang Marepkong Ward, Mokokchung nung alir.

Class-10 mapang nung nükjiong atongtsü kanga dang meranga azüng aser Tsüngremi meimba agi Top-14 jenjang nung takok ngudaktsüba asoshi Tsüngrem nem tenüngsang agütsü, saka class-12 agütsüba mapangbo kütsü aser kübo tena peladaktsütsü asoshi class-10 dang nungi kanga agi temerangba aser tenendakba nung khonda 8 azüngta Tir Yimiyim den jembidang ashi.

Laisa la aser tenu tena



Narola Imsong

jungdaksütsü asoshi tetsü aser tebu na kanga dang timtemba ngua tena peladaktsütsü la temelungtetba liasü aser ibaji atalokdaksüba asoshi Tsüngrem nem tenüngsang agütsürta shisem.

Lai ashiba agi la tang NET agütsütsü Dimapur nung lir, MBBS zünga doctor ka kümer timtemer yaritsü la nükjiong lir.

Queen Mary Higher Secondary School nung dang zünga arudang tesayurtemi Class-12 tashi sayua iba jenjang ajangzük tetdaksüba asoshi tesayurtem danga tepelaba metedaktsüba den sarasadem aser shisatsü nung yaritepbapur ajak dang Kr. Narola-i tepela metedakja ashi.

Tanu putu alima kanga dang majung, anungji lanurtem azümesen mesüi pei nükjiong atongtsü asoshi kanga dang meranga inyaksüla, talisa Tsüngrem akhümsübutsüla ta laisa tayongzükba olen ka lemsatep.

# Changtongya Town nung expired chiyungtsütem aika apu



(Abelen) CKT ketdangpurtem den SDO (C) Changtongya C. Wangan, NCS aser expired chiyungtsü apubatem angur. (Achichi) Pickup truck ka nung item osettem dumping site-i bener aoba angur.

**Changtongya, Rongchii 26, 2024 (TYO):** Indian Penal Code Section 273 aser Prevention of Food Adulteration Act 1954 Section 7 ajanga shishilembartemi nütsüng nübur dang chiyungtsü yanglur mapang talangka süia aoba ajanga chiyungtsü aser osettsüsettem tamajung kümer alibatem mayoktsü ozüng yanglua lir. Ajisaka shishilembartemi aiben item chiyungtsü aser osettem ayoker aser iba jagi temang nung timtem

adokdaksür aser rongsen akoksadaksür. Iba ama ashikulak mapa nungi nüburtem küzmüksü meji Rongchii (April) 25 nü Changtongya Kaketshir Telungjem ajanga Changtongya Town nung dokantem mita jajaba mapang chiyungtsü aika joko raksar sür nung nüburtem dang yoka aliba dokan 17 nungi pua liasü. Kaketshirtemi expired chiyungtsütem tesem ka nung bendena yur SDO (C)

Changtongya C. Wangan, NCS jaoka tenük kuli agiteper jana rongtokba tesemi item osettem bener oa rongdoka liasü. Iba dak sentakba nung iba osangbener den jembidang CKT tir Arensashi-i ashiba agi item chiyungtsü achiba ajanga, talisa tanurtem, temang nung timtem bener arutsü ana nung lir. Anungji nüburtem ajaki rebrangshiyima kümdanga alitsü nüngdak aser yamaji CKT ajanga maneni tenük zünga rebranga atatsü ta shia liasü.

# P&AR ajanga mapang shidak nung

## PMIS registration asütsü metetdaksü

**Dimapur, Rongchii/April 26 (TYO):** Department of Personnel and Administrative Reforms (P&AR) ajanga sangdong ka nung ashiba agi, taoba mapangtem Department-i Personal Information Management Systems (PIMS) atema totuyuba balala agiija aruaka Department balala nung nübu tasen shimba PIMS nung registration atema application menur agütsüba sorkari ajitetogo aser iba yongji sorkar mapa inyaker nem menüngdakba nung timtem agütsür.

Anungji appointments tasen indang registration atema application ya appointment order agütsür hopta ana tsüngta P&AR department nem agütsüsüla, ta sangdong ajanga ashi.

Registration atema Appointment Order, retired employee indang Appointment Order aser Release Order aser parnok indang PIMS number agütsüsüla. Ibai post ka atema nübu tasen ka dang shimtsü mesüra post tasen atema post creation order aser yangji taoba

mapang shinga inyaka meliasü ta jangjatsü atema lir. Vacancy detail ama promotion order magizüksü. Recommendation of NPSC/ NSSB/DRB/DLRB, Approval of AHoD, Advertisement order, Compassionate appointments nung P&AR Department indang clearance alitsüla. Aadhaar number den Aadhaar card photocopy, Government employee shirnok mezüng non-regular capacity (work charge/contingency/contract/casual/ad-hoc) nung shimer iba sülen regularize asü, parnok indang regularization order agütsüsüla. Land ownership nung ajemdaker shimer atema department-i O.M. No.LR/LAND-PLCY/5-26/2011 dated Kohima, the 16th August 2018 nung shia aliba document tem agütsüsüla. Maneni AHoD ajanga P&AR Department dangi applications forward masüdang HoDs ajanga kanga junga verify asütsüla, ta P&AR Department sangdong ajanga ashi.

# May 11 nü district Hqs ajak nung National Lok Adalat agitsü

**Kohima, Rongchii/April 26 (TYO):** Linük ajunga den jangyu medema Nagaland State Legal Services Authority (NSLSA) tawabangba kübok 2024 küm atema 2buba Quarterly National Lok Adalat (People's Courts) district headquarters ajak nung May 11 nü agitsü. District Legal Services Authority (DLSAs)-i Lok Adalat Benches 11 amenoktsü. Lok Adalat ya dispute redressal mechanisms aser forum ka lir, kong okadak bangdaka aliba mangatetep/ken o mesüra pre-

litigation stage nung aliba ken o tem tangatetep nung benteter. Legal Services Authorities Act, 1987 kübok Lok Adalats nem statutory status agütsüo. Shisema aliba Act kübok Lok Adalat temi kechi telemteta agütsüdir aji civil court indang decree ka ama agir aser iba ajanga telok ajak alentsü aser okadak kecha nunga ken o tanaben mebenoktetsü. Lok Adalat ka nung ken o benokba atema court taa kecha magitsü. Okadak bangdaka aliba ken o ka Lok Adalat dangi

bena bentetra, okadak complaints/petition dak sendakba nung taa agütsür aliba dena meyipa agütsüsü. 2024 küm March 9 nü 1buba quarterly National Lok Adalat agiba mapang ken o 178 bentetogo aser settlement amount sen 34,15,81,243/- (Four crore fifteen lakh eithy on thousand two hundred forty three) dang liasü. DLSA shia nung ken o bentetba data ya nslsa.nagalandgov.in nung state Authority indang web portal nung upload asütsü.

# Wokha aser Mkg nung Hindi

## tesayur orientation sentong agi

**Kohima, Rongchii/April 26 (TYO):** Directorate of School Education, Nagaland ajanga Samagra Shiksha, Nagaland den lungjemer Wokha aser Mokokchung district nung April 24 aser 25 angogtem ananü Hindi Teachers' Orientation sentong ayongzüka liasü. Iba sentong nung Wokha district kübok Hindi tesayur 200 shi aser Mokokchung district kübok Hindi tesayur 263 shi arua dena liasü. Wokha nung iba sentong nung Dr. Munni Chaudhary,

Associate Professor & HoD (Hindi), Nagaland University ajanga jembi aser Mokokchung nung Ravinder Kumar, Instructor, Govt. Hindi Institute Dimapur ajanga jembia liasü. Parnoki iba sentong nung Hindi tesayurtemi nüngdaka aliba ama 'Methodology of teaching Hindi language, Grammar and Idioms and Basic skills' onük nung ajemdaker jembia liasü. Iba sentong nung ano shisalen sayur ama Rometo Sema, HEO, DoSE aser Peter Sema, Assistant Director, DoSE dena liasü. Wokha nung iba orientation sentong nung Zhokupa Hoshi, APO DoSE menden liasü aser Mokokchung nung Ruchunlo Tep, JEO DoSE menden liasü.

### HIGHER SECONDARY SCHOOL LEAVING CERTIFICATE EXAMINATION, 2024

MERIT LIST - (ARTS STREAM)								
POSITION	CANDIDATE NAME & INSTITUTION	ROLL NO.	TOTAL	PERCENTAGE	GRADES	EE	WE	PE
1	KELETSOLE MEKRO	242111234	487	97.40%	A	A	A	
2	Dainty Buds, Kohima	242810007	484	96.80%	A	A	A	
3	Don Bosco Hr.Sec.School, Dimapur	242816241	482	96.40%	A	A	A	
4	TOKALI H AWOMI	242203033	479	95.80%	A	A	A	
5(a)	Christian Hr.Sec.School, Dimapur	242202007	478	95.60%	A	A	A	
5(b)	MARNUNG TET	242810256	478	95.60%	A	A	A	
5(c)	Queen Mary Hr.Sec.School, Mokokchung	242842033	478	95.60%	A	A	A	
6	BISELI SANGTAM	242811197	475	95.00%	A	B	A	
7	Mayangnokcha Govt.Hr.Sec.School, Mokokchung	242810236	473	94.60%	A	A	A	
8	KETHOZENO KHATE	242921101	472	94.40%	A	B	B	
9(a)	Little Star Hr.Sec.School, Dimapur	242816144	471	94.20%	A	A	A	
9(b)	Mezhür Hr.Sec.School, Kohima	242845214	471	94.20%	A	A	A	
10	BONBON NEWMAI	242804029	470	94.00%	A	A	A	
1	CHUJAI .P							
2	Bautüng Govt.Hr.Sec.School, Longleng							
3	MAYSHA PATHAN KHAN							
4	Christian Hr.Sec.School, Dimapur							
5	HAMPHEY NUNISA							
6	Little Daffodils Hr. Sec. School, Doyapur							
7	JESSICA R EZUNG							
8	Greenwood School, Dimapur							
MERIT LIST - (COMMERCE STREAM)								
1	SATYAM KUMAR JAISWAL	243811208	492	98.40%	A	A	A	
2(a)	Holy Cross Hr.Sec.School, Dimapur	243103056	484	96.80%	A	A	A	
2(b)	BHUWAN CHETRI	243103095	484	96.80%	A	A	A	
3(a)	Model Hr.Sec.School, Kohima	243802144	478	95.60%	A	A	A	
3(b)	SNEHA DARJEE	243811163	478	95.60%	A	A	A	
4	AMAN SAHU							
5	Ram Janaki Hr.Sec.School, Dimapur							
6	AMOS DAMAI							
7	Holy Cross Hr.Sec.School, Dimapur							

4	NIKHIL JAISWAL	243811115	476	95.20%	A	A	A	
5	S.D.Jain Hr.Sec.School, Dimapur	243811072	475	95.00%	A	A	A	
6	KOYEL SUTRADHAR	243802142	474	94.80%	A	A	A	
7	Christian Hr.Sec.School, Dimapur	243802143	473	94.60%	A	A	A	
8	ABHI KUMAR SARAF	243811172	471	94.20%	A	A	A	
9	Ram Janaki Hr.Sec.School, Dimapur	243103146	470	94.00%	A	A	A	
10	ABHIMANYU KUMAR PRASAD	243811166	469	93.80%	A	A	A	
MERIT LIST - (SCIENCE STREAM)								
1	NAROLA IMSONG	244201129	481	96.20%	A	A	A	
2	Queen Mary Hr.Sec.School, Mokokchung	244806035	474	94.80%	A	A	A	
3	DELPHI OINAM	244812085	471	94.20%	A	A	A	
4	Don Bosco Hr.Sec.School, Dimapur	244108096	463	92.60%	A	A	A	
5	IMTISUNGKUM LONGKUMER	244813142	462	92.40%	A	A	A	
6(a)	Queen Mary Hr.Sec.School, Mokokchung	244806079	460	92.00%	A	A	A	
6(b)	ABIDA RAHMANA LASKAR	244812042	460	92.00%	A	A	A	
7(a)	Model Hr.Sec.School, Kohima	244812286	458	91.60%	A	A	A	
7(b)	DEEP MANDAL	244812085	458	91.60%	A	A	A	
8	Pranab Vidyapith Hr.Sec.School, Dimapur	244846173	455	91.00%	A	A	A	
9	St. John Hr.Sec.Residential School, Dimapur	244812223	454	90.80%	A	A	A	
10(a)	JEVIA FUTHENA	244846040	453	90.60%	A	A	A	
10(b)	St. Joseph's Hr. Sec. School, Chumoukedima	244806097	453	90.60%	A	A	A	
11	ADITYA KUMAR RAUT							
12	Little Star Hr.Sec.School, Dimapur							
13	LJANBENI Y OVUNG							
14	Unity Christian Hr. Sec. School, Diphupar							
15	ENOK W KONYAK							
16	Holy Cross Hr.Sec.School, Dimapur							

# Tanü Dimapur nung Anti-Rabies Vaccine angati agütsüsü

**Dimapur, Rongchii/April 26 (TYO):** Alima ajunga den lirumedema April 27, 2024 nü Veterinary Hospital, Burma Camp, Dimapur nunga World Veterinary Day amungtsü, ta Dy CVO, Dimapur, Dr Imlimenla Imchen-i sangdong ka ajanga ashi. Iba anogomung nüngtem nung anepdang 9:00 ako nungi anüngdang 11:00 ako tashi Veterinary Hospital telungzük nung Anti-Rabies Vaccine angati agütsüsü, anungji Dimapur aser temeket nung aliba nüburtemi iba maongka agitsü ayongzüker, ta sangdong ajangasa ashi.



April 26, 2024 nü New Delhi nung MCD House nung BNP councilor temi longkak aitdang tangokba noksa nung angur.

### LS election tanabuba shilem nung voters shilem 64-i vote agütsü

New Delhi, Rongchii/April 26 (Agencies): Hokolbarnü states aser union territories 13 nung Lok Sabha election tanabuba shilem nung nikongdang 5:00 ako tashi nung constituency 88 nung voters shilem 64-i vote agütsür liasü. Hokolbar nikongdang 5:00 ako tashi nung voters shilem teimtibai vote agütsüba state ji Tripura (77.93) liasü, iba sülen Chhattisgarh (72.13) aser West

Bengal (71.84) state na lir. Manipur nung polling station 13 nung voters shilem 76.06% -i vote agütsü aser Assam nunga voters shilem 70.66-i vote agütsü. Maharashtra nung voters shilem 53.51-i vote agütsü, Bihar nung shilem 53.03 aser Uttar Pradesh nung voters shilem 52.74-i vote agütsü. Rajasthan nunga nikongdang 5:00 ako tashi nung voters

shilem 59.19-i vote agütsür liasü, Madhya Pradesh nung voters shilem 54.83, Karnataka nung voters shilem 63.9 aser Kerala nung voters shilem 67.27-i vote agütsür liasü. Hokolbarnü polling nikongdang 6:00 ako tashi agiogo, anungji state ajak nung vote agütsüba shilemji item dang nungi teimba asütsü, ta Election Commission-i metetdaksü.

### EVMs aser VVPATs ajak medemdangtsü mepishiba SC-i magizük

New Delhi, Rongchii/April 26 (Agencies): Electronic Voting Machines (EVMs) amshia vote agütsüba ajakji Voter Verifiable Paper Audit Trail (VVPAT) slips den medemdangtsü atema mepishiba Supreme Court-i magizük. Hokolbarnü Justices- Sanjiv Khanna aser Dipankar Datta nati akümba bench-i, reju balala tsüngda tesünep nung tamang katepba ajanga democracy alir, ta ashi. Supreme Court-isa election agiba osang sangdongba sülen engineer team ka nem EVMs indang microcontroller program reprangshidaksütsü atema candidate tem nem temelaba agütsütsü, ajisüaka candidate temi election osang sangdongba sülen anogo tenet tsüngda temepishiba agütsütsüla, ta metetdaksü. Election nung tanabuba mesüra tasembuba jenjang angur candidate temi iba

temepishibaji agütsütsü akok, aser EVMs indang microcontroller program reprangshidaksüba nung teindokba senji candidate-i agütsütsüla. Ajisüaka EVM ji raksaa amshiba putetra sen teindokbaji candidate nem tanaben meyipa agütsütsü, ta court-i metetdaksü. Supreme Court-isa Election Commission of India dang EVMs nung temaitsütem inokba sülen anogo 45 tashi 'symbol loading units' ji shibanga ayutsüla, ta tuyu. Symbol loading units SLU storage containers ji shibanga ayutsüla aser 'seal' nungji candidate temi sign asütsüla, ta court-i metetdaksü. "Election osang sangdongba sülen SLU aliba sealed containers ji EVMs den külemi storeroom nung tajemba agia anogo 45 bo ayutsüla," ta court-i metetdaksü. "Democracy ajanga

tesünep yangertsü meranger aser election inakyim nung tapi agi melung malemba ajanga nüngdak makaba nung melung melemdaksütsü," ta Supreme Court-i ashi. Supreme Court-isa election nung EVMs masü saka ballot paper amshitsü atema temepishiba ken o agüja alibatem magizük. Temepishiba ken o agütsürtemi, EVMs 'hack' asütsü akok, ta shia akhidang amshiba ama ballot paper amshitsü takhangba agütsüba den külemi melung malem kecha malitsü atema EVM votes aser VVPATs slips ajak medemdangtsü takhangba agüja liasü. April 18 nü kasa ken o angadangba mapang nung Supreme Court bench-i, tang vote agütsüba aser vote azüngba inakyim tajungba akümtsüsa takoktsü lenmang lira court-i tiyongtsüi ia inyaksü, ajisüaka EVMs nung melung malemba kija nung ajemdaker court-i obendang magütsütetsü, ta metetdakja liasü.

### Kechiba sensakertem tang tashi timtemer?: Mayawati

Lucknow, April 26 (Agencies): Lok Sabha election tanabuba shilem agiba anogo nung Bahujan Samaj Party (BSP) Tir aser taoba mapang Uttar Pradesh Chief Minister, Mayawati-i, linük nung sensakertem kechiba tang tashi timtemer?, ta asüngdang.

BJP-i linük nung aluyimertem, sensakertem aser tekübok jenjang nung alirtem atema tajung anogotem arutsü, ta tamalen nangzükba dak sendakba nung Mayawati-i, item tenangzükbatem tu kechisü aser kechiba sensakertem, SC, ST, OBC aser minorities nübur crore aika tang tashi timtemer?, ta asüngdang.

Mayawati-i X ajanga, "Tanü linük nung Lok Sabha elections tanabuba shilem nung talisa sensakertem, mapa mangurtem, aluyimertem, tetsürtem aser tekübok jenjang nung alirtemi nenoki BJP indang tajung anogotem bener arutsü saka parnoki nenok dang tajung anogotem nangzükba tu kechisü? ta asüngdangtsüla," ta metetdaksü.

"Congress indang 'sensak agienang' yimyim ama BJP-ia tenangzükba tulu raksaogo, ajisüaka sorkar atema tongti teinyaksüji linük temzüng nung

nükjidongtem aser Dalit nung terenlok atema inyaksüla," ta lai metetdaksü.

"Ajisüaka kechiba sensakertem, SC, ST, OBC aser minorities crore aika maneni teyari mangur aser timtemer?" ta laisa asüngdang.

BSP Tir, Mayawati-isa nüburtem dang tetsübu kecha makai vote agüja sorkar ka shimmang, ta ayongzük.

Tan Lok Sabha election nung Bahujan Samaj Party (BSP)-i shinga den-a meloktepi tokteper aser party manifesto-a mesangdong.

BSP-i manifesto mesangdongba dak sendakba nung Mayawati-i, "Onok anemer party tem indang manifesto ajanga ozü party nung z ü n g s e m t e m mejangjongdaksütsü. Onoki election nung manifesto mesangdonger. Onoki o agi nangzükba dang nungibo mapa agi dang inyaka sayur," ta metetdakja liasü.

Ajisüaka election nüboyim sentong ka nungbo lai, BSP-i takok ngua Centre nung sorkar kümra Western Uttar Pradesh nem state jenjang agütsütsü aser iba region nung nüburtem atema terenlok mapa inyaksütsü, ta nangzüka liasü.



April 26, 2024 nü Lok Sabha election shilem tanabuba anogo nung Trivandrum nung West Bengal Angh, Dr C.V. Ananda Bose aser pa kinungtsü nati vote agütsüba sülen vote agütsüba temaitsü sayudang tangokba noksa nung angur.



April 26, 2024 nü Ashoknagar district, Madhya Pradesh nung Union Home Minister Amit Shah, Union Minister Jyotiraditya Scindia aser Madhya Pradesh Chief Minister, Dr Mohan Yadav nung election nüboyim sentong ka nung tangokba noksa nung angur.

Form No. 3  
[See Regulation-15 (1)(a) / 16(3)]

**DEBTS RECOVERY TRIBUNAL GUWAHATI**  
Suwarna Bhawan, House No. 12, New Town Path,  
Near Hanuman Mandir, G.S. Road, Ulubari, Guwahati- 781007 (Assam)

Case No.: OA / 18 / 2024

Iba Act nung section 19 kübok sub-section (4) aser Debt Recovery Tribunal (Procedure) Rules, 1993 indang Rule 5 kübok sub-rule (2A) nung ajemdaker jaoker.

Exh. No. 4072

**STATE BANK OF INDIA**  
- VS -  
**WINLONG CHINGJON KONYAK**

To,  
(1) Winlong Chingjon Konyak  
Son of L Dinglong Konyak, Vill. Danching, P.O. Mou, Nagaland,  
PIN-798622

**JAOKER**

09.04.2024 anogo nung Hon'ble Presiding Officer/Registrar matsüngdang OA/250/2022 benoka liasü.  
**Rs. 2258965.24/-** sentsüh atema iba Act kübok section 19(4) application nung ajemdaker na anema (OA) benoka Hon'ble Tribunal-i jaoker/notice agütsür (application den documents copies densema lir).  
Iba Act nung section 19 kübok sub-section (4) nung ajemdaker defendants dang teküboklen aliba tetuyuba agütsür:-  
(i) tajaba agütsüba sülen anogo semer nü tsüngda relief asoshi mepishibaji kechiba magütsütsüla, iba kuliji sayutsü metetdaksür;  
(ii) Original application nung serial number 3A kübok applicant-i shia aliba kiojen aser assets dak alia tanga kiojen aser assets sangdongtsüla;  
(iii) Original application nung serial number 3A kübok shia aliba kiojen aser assets ayoktsü mesüra item kiojen atema inyaksangshitsü memelar;  
(iv) Security interest atema inyaksangshiba dak alaka Tribunal dang nungi jelia temelaba magii original application nung serial number 3A nung shia aliba kiojen mesüra tanga assets ayoktsü, lease asütsü mesüra tanga kecha inyaksangshi masütsüla;  
(v) Ordinary business ajanga secured assets mesüra tanga assets aser kiojen nungi yokzükba senji security interest soita aliba bank mesüra financial institutions indang account nung deposit asütsüla.  
Nü dang tezüluba nung sangdong applicant nem agütsütsü tuyur aser  
**16.05.2024** anogo nung anepdang **10:30** ako nung Registrar matsüngdangi arutsü tuyur, yamaji meinyakra application ji angadangtsü aser na meliaka telemetba agütsü.  
**10.04.2024** anogo nung tsünglanglen kü meyongnem den iba Tribunal indang seal agütsür:  
Registrar /IC  
Debts Recovery Tribunal, Guwahati



## TIR YIMYIM YIMOBILEM (EDITORIAL)

DIMAPUR

KÜPTOKNÜ

RONGCHII 27, 2024

### Asen Ao lima

**A**senoki aiben asen Ao lima ajungba aser majungba indang kanga jembir aser jungdaksünüba indanga shisa tajung lemsateper. Ibaji leniba tajung agütsüba mapatem lir. Iba amaji pei lima meima shisalemsatepdang asenoki jembiba asen Ao lima ya kong, kobateka aser koba ama lima indang ka jembir ta tanü putu den apet jangjashitsüba kanga nungdaker. Mapang ka tzüla atener Chungliyimti limaji Ao lima liasü ta tanü tashi jembir, ajisüaka asenoki toktsür aonungji tangbo ibaji Ao lima mesütet. Aji oda, kodang Ao lima indang jembidir, jet ta tang kümteta aliba Nagaland kübok Mokokchung district indang jembir ta angateter. Ajisüaka, ibajia Chungliyimti nungi adoker külen nungi jembia aruba o tejen ka lir, anungji tang yabo Ao limaji asenoki angatetba aser inyaktetba nung Mokokchung district dang nungi alinüka, inyakyima, tagitsüa aser tagütsütsüa anasü-asemsü agi tuluba kümer alitsüla. Atangji, iba amaji Tsüngremi asenok nem moatsüogo. Ajisüaka, asenok tangatetba shisatsü aser tenük ilaraba agi Tsüngremi moatsüba nütsüng nübo, alushi aser tashitemetet mereprangteti aiben asenoksasa asenok ilarepa bilemer aser jembir. Joko, tanübo Chungliyimti nungi arur Aotsür Aoertem to Mokokchung district nung alirtem dang nungi teimba Naga lima tesem balala nung prokshia lir. Itemji teimbaka Dimapur, Chümoukedima aser Kohima nung pei ki aser pei lu yateta senso küma alirtem lir. Joko parnok meyong leper dena item tesemtem nungji mesemteta lir. Atangji, tanü tashibo item tesemtem nungji Mokokchung district nung lemsaba tzükongtem maitsüa meindoki tzükong senso telongjemtem tenteta lir. Iba jagi pei tsürabur taso lima den tesendaktep mepilai nungdak ajak nung yariteper. Ajisüaka, taruba putu nungbo Kohima aser Dimapur nungbo Aortem rongnung tzükong telemsa ya samadoktsü aser Ao ta asüba tenüng ya dang pei senso maitsü akümtsü. Ibaji kodang asenoki angajemdir, Mokokchung district nungsa mesüaka tang asenok alidak Dimapur, Chümoukedima, Kohima aser Niuland dena asen aliba asen kimong aser aseni ayimba asen lu ajakji Ao lima-a ta jungjunga reprangtetsü. Atangji, Aotsür Aor lungsua alidak apia jembir dang ashi, Ao limaji itemji dangbo masü saka tesem kongsa Aotsür Aor telongjem tenteta lir aser kongsa tamang nunga longjema arogo tenteta lir, item tesem ajakji asenoki asen Ao lima-a ta bilemstsüla. Iba amaji kodang asenoki asen alidak Tsüngremi moatsüba tesem nung kibur kümküma lidir, idangji dang aseni asen aliba limaji tali meima yimten aser lokti nung tasü itta shilem agi tenzüksü aser teti topur junga yunütsü. Aji oda, taoba küm noklang ka tsüngda Ao kin renlokba asadangdi süra, Mokokchung district nung gari lenmang yangluba, mozü ki aser kaketrejutem lapokba aser electric light aruba terenlok mapatem dang nungibo, ano, Mokokchung district adena orr Ao yimtsüng aser arogotem akümba aser Aor kimong, Aor lushi aser Aor business-tem kümteta aobatemjiang Chungliyimti nungi tanen maka Aor tejakleni aoba terenloktem asütsü. Itemji Tsüngremi moatsür ta anogo shia züngdanga, kodang asenok ajaki Mokokchung district nung süshia, tanga district-tem nung süshia yashi iba yimobilem nung lemsatepba ama tajung inyakba nung, ochishia aser indanga aliba nung, meranga inyakba nung aser lenisüba tajung agütsüba nung tangari asenok dak temulung alemtsüsa 'Aor mesüka' lidir, item tesemtem ajakji kasasa Ao limasa asütsü aser nisungtem ajak Aor mesüka tajung akümtsü. Aji oda, Aoribo tiyazü agi aika akümtsü mebilemer, Aoribo tashiyim mamshir, Aoribo mashioktsür, Aori agütsüba aser inyakbabo ajak tajung aser shitak dang asür ta lephsia jembiba putu tasen ka yakta asenoki tenzüksü tim. Iba ama Ao lima nung Aor putu tasen tajung ka tenzüksüba kanga tuluka azüngba tashitemeteter mesüra rongsen tulu akaba takar mesüra o tsüngrusonga jembitetba Aotsür Aor ka adok atatsü menüngdaker, ibaji na ama, ni ama mashi nisung kati tanü nungi ochishia alitsü tenzükra, aji tetenzüker asütsü.

## OLEMSABANG

### Tanur Angatetba (Child Psychology)

*Dedicated to all young parenting couples and youngsters*

Apokla Ben

Mezüng ocet April 9 nü agütsüba ocet to kanga dang tongmelang agi okila ama dang züluogo. English agibo tangazüktsü jenti lemanng aisü nungi angur. Saka nungdakbaji lanutsürtem tanur tebentsüdak pur asoshi lir. Talisa pei oshi agi angatet nungdang mapa küma beshitsü akoker. Ano tanur tetsüi aser tebei metetaka kidang külem alir ajaki junga mangatetra mapaji takok mangur. Kinü kaji taküm rangben ka lir aser pa kinü asüdangyongi jungjunga meintetdaksüra lendong tulu ta metetang.

Ano ya metetang: kinü aser preschool tashi nungji sarasadem, Tsüngrem tenüngsang ken aser laishiba agi sünga aser taluposa sayutsüla.

Preschool ya ano school masü. Tetsü aikati aser Preschool anishir aikati Preschool ya school ama amshir. Kanga tai. Iba mapang ya tanurji schooli aotsüba renemtsür (preparatory dang), saka ya ano school masü.

19th Century nung iba Cresche (French oshi agi) aser Nursery care centre, tzürabur mapai aodang tanur repranger kar nem mesüra centre ka nung yutsür aor. Aser itemji tanur indang metetba Child-psychology angatetba puri tenzüka.

"Montessori Preschool" ta asüba ya Dr. Maria Montessori Italy, nung tenzüka centre tem dang ajar, saka preschool mashi-ka dang majar, anungji preschool ajak dang Montessori ta majar. Kechiaser la philosophy aser method ya balaka lir.

Preschool ya mezüng tetenzükertemi ki tajung yanglur, furniture sen aika jenjang renema yur metenzük mesüra saksaka plan masü. Kong takoktsü lir aser kechi agi inyaktsü akok kechi aka iba nungi inyaka tenzüka. Tongtipangbaji parnoki laishiba dak ajemdaker tenzüka. Nisung kaji Tsüngremi koma yanglu, kechi sempet lemezükja lir aser pai kechi inyaktetsü, iba jagi Pa asoshi iba alima nung alidang kechi inyaktetsü aser nübür asoshi koda teyari agütsütetsü ta bushitetdakja Tsüngrem mulongba taküm alitsü asoshi yaritsü.

Tsüraburtem aser Preschool nung teyarirtemji iba nükla nungji 'teyarir dang', ta sayu. Tanuri pai kechi inyakner aser inyaktetsü yamaji inyakdaksütsüla saka guidance agütsütsü, yaritsü aji tain mapa. Anungji Prechool nung teyarirtem dang tesayur ta majar. Saka teyarir "assistant or helpers" ta ajar. Preschool ya school masü "play-center", Classroom masü "playroom", sayuyim ji "play-way" nung sayur. Tanur den jembishine, sayuyim ajak good manner right conduct (GMRC) to sa amshia sayutsü. Menürema, yimya tajung beshia, mapang indoka (investing time), maritepi, meilongi tanurtem den jembitsüla. Ola tejangja agi meilongi ayimtena masü low tone nung jembitsüla. High tone agi jembira yakta ne ola jagi pai alaktsü aser mangateti akümer. Tanur tesangwa ajia memendaksütsüla window tsütsü shia masü, anungji board aser noksa temji tesangwa len mayutsüla.


Tanur den Tsüngrem metetba jakla yimya agi dang anishitsüla. Anungji tanur repranger shiaji Khrista tejangja akaba aser Tsüngrem metetba taküm asütsüla. Na kechi ama taküm aji dang tanur jagi angur aser meteter. Nai ashibaji masü. Nai beshiba yimya jakla jagi tanurji temulong pelaa akümer aser ne den kazüner. Nai merenshia jembira pai na angudang tsüba akümtsü. Saka nai tanur ka pelaa menürema agizükra ne dangi dang arunetsü aser ne den mapang endoka kazünetsü. Preschool yabo iba mapangji lir.

Preschool atema principles aser methods (sayuyim) aika liaka ne jakla aser yimya tajung jagi dang tanur mulongjangji koktettsü.

**Taruba adok nung TANUR ANGATETBA (CHILD PSYCHOLOGY) agütsütsü.**

**Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir**

# Narongjakertem atema Yisu Khrista indang film ka sayatsü



**April 26, 2024:** Alima nung narongjakertem nem Yisu Khrista indang otsü metetdaksütsü nükjidong nung Khristan organisation aika longjemer American Sign Language nung 'Jesus, a Deaf Missions Film' ka produce süogo.

Iba film otsüji narongjaker mongintemi zülua produce asü. Yisu Khrista indang film tasenbaji Laishiba nung zülua aliba Yisu taküm otsü nung ajemdaker yanglu.

Deaf Missions-i Jesus Film Project aser Khristan organisations aika den longjemer iba film produce asü. Film nung actor temji narongjakertem lir aser sign language memetetertem

atema English subtitles-a densema lir.

Jesus Film Project-i parnok mission dak sendakba nung oshi 2,000 dak tema nung Khristan film aika yangluogo, aser film tasenba ajanga narongjakertem aikati Yisu Khrista otsü metetsü.

Jesus Film Project nung Executive Director Josh Newell-i, "Yisu temeim aser tai atokba ajanga tesem ajaklen nisung ajak kongshitsüla, ta Jesus Film Project-i bilemer. Tesem ajak nung nisung ajaki Khristan film tem reprangtetsü atema onoki oshi tsütsülen nungi tetsükdaksü ajak indoker," ta ashi.

"Narongjakertem den-a sendaktepsü atema onoki

Deaf Missions den longjemer, kechiyong narongjaker aikati Khrista osangtajung memetet," ta paisa ashi.

Alima tesem balala nung sign language 400 dak tema amshir aser iba film ya alima tesem ajaklen narongjakertem nem reprangdaksütsü atema tang Deaf Missions-i sign-dub technology tendangdar, ta paisa metetdaksü.

Deaf Missions nung Chief Media Officer aser Producer Joseph Josselyn-i, "Narongjakertemi iba film reprangba sülen kechi shidir ni yongyaseter. Tatamsa parnoki oshi tsütsülen nungi tetsükdaksü kecha makai Yisu indang film reprangtetsü," ta ashi.

# Pakistan nung Khristantemi court obendang ka pelaa agizüker

**Lahore (Pakistan), April 26 (Agencies):** Taoba hopta Pakistan nung high court kati provincial sorkar ka dang child marriage ozüng kübok kibong akümtsü atema tetsür aser tebur na tsüngda arrshi küm tepila kecha malitsüla, ta tetuyuba agütsüogo.

Osang angazükba agi, kangshia tamangba yimsü meyipdaksüba mesüra tetsürtem anojungi kangshia kibong kümdaksüba nokdangtsü nükjidong nung court-i iba tetuyuba agütsü.

April 15 nü Lahore High Court nung Justice, Shahid Karim-i, Punjab Province nung Child Marriage Act of 1929 kübok kibong akümtsü atema teburtem arrshi küm 18 aser tetsürtem arrshi küm 16 asütsüla, ta asüba ya tim masü, anungji tetsür aser tebur naprongla atema arrshi küm telatetji kasa dang asütsüla, ta metetdaksü.

Court-i iba obendang agütsüba sülen Pakistan nung Arogo lenirtem aser meimchir temeden atema inyakerteri, iba ya ajanga kangshia tamanga yimsü meyipdaksüba aser Khristan tetsür chanutem densema minorities kangshia anojungi kibong kümdaksüba nokdangtsü, ta ashi.

Court obendang pelaa agizüka Church of Pakistan Tir, Azad Marshall-i, Punjab province sorkari Punjab Assembly ajanga Child Marriage Restraint Act yanglushitsüla, ta ashi.

Paisa, "Iba obendang ajanga anojungi kibong kümdaksüba, talisa Khristan aser Hindu tsürtem anojungi kibong kümdaksüba tebilemtsü onük atema inyaksü," ta ashi.

Paisa, mapang talangka nungi Arogoi Pakistan tesem ajaklen kibong akümtsü temsüba arrshi kümji tetsür aser tebur naprongla atema küm 18 asütsü takhangba agüja arur, ta ashi.

Muslim nunger den kibong kümdaksütsü atema anojungi Khristan tetsürtem kangshia Islam yimsü dangi meyipdaksüba kanga bulua ataloker, ta pai ashi.

Punjab Provincial Assembly nung züngsem aser Khristan, Ejaz Alam Augustine-i, Punjab province sorkari court obendang anema ken o mebenoktsüa akok, kechiyong tang yanglushiba ozüngji ajanga yimsü balala amanger tetsür ajak kümzüksü, ta ashi.

April 11, 2024 nü UN nung meimchir temeden atema inyaker mongintemi Pakistan

dang linük nung Khristan aser Hindu tsürtem kangshia yimsü meyipdaksüba aser anojungi kibong kümdaksüba nokdangtsü atema ozüng yanglushitsü mepishia liasü.

UN special rapporteurs-i Pakistan dang linük nung tetsürtem kibong akümtsü atema temsüba arrshi küm 18 tashi ajungkettsüla, ta mepishia liasü.

Nisung ka tenüng agi, Azka Wahid-i High Court dang, Pakistan linük temzüng ajanga tetsür-tebur ajak nem kasa temeden agütsür, anungji tetsür aser tebur naprongla atema kibong akümtsü temsüba arrshi kümji kasa dang asütsü atema Child Marriage Act yanglushitsüla, ta mepishia liasü.

UN nung mongintemisa, anojungi kangshia kibong kümdaksüba yimsü mesüra sobaliba tsütsülen naprongla nungi tim masü, ta metetdaksü. Tang Pakistan nung tetsür aser tebur naprongla kibong akümtsü atema temsüba arrshi küm 18 latetja aliba province ji Sindh Province dang lir.

Tang alima nung Khristantem anema inyakba tamajungtiba linük 50 rongnung Pakistan ya jenjang 7buba nung lir (Open Doors' 2024 World Watch List).

# ANOGO ABEN TSÜNGREM DEN

## Nai kechi metet nai inyaka lir ma?

Anungji shibai mapa tajung inyaksü metetter aser meinyaker pa asoshi aji temenen. Yakob 4:17.

Tsüngremi mulungba metetter meinyakbaji mapa tila masü. Iba dang Tsüngremi temenen ta ajar. Asenoki tashi mangaba kulitem yanglutsü akok: "Ni ano renema mali asü" mesüra "Ibai kecha balaka masü ta ni bilem" mesüra "Ni tesülen inyak" mesüra "Ni memerangtet!" Asenoki temeten kuli yanglur, asenoki mapa menua inyaker, aji saka Tsüngrem nükdang temeten kuli aser mapa nung menuba tashi mangaba dak alema tanga kecha mali. Tebilemba tajungji tashi angaba mapa den kasa ta asenoki bilemba agi asenok pei sasa ashioktsür. Aji oda masü. Mapa mali tebilemba tajungji tashi mangaba den kasa lir. Kodang asenoki Tsüngrem den ajuruteper aser Pai asenok nem tetuyuba ka agütsür, asenok tanela ainlen jajaba nung zülüokba mesüra asenok tembartem aser arogo dang asen "telemtetba" ashibaji teperi masü. Tsüngremer tajabaji "telemtetba" ka agitsü atema masü saka tashi angaba den kasa masü (Mat. 21:28-31). Tashi angatsü nüngdak ta akangshibaji tashi angaba den kasa masü (Lk. 6:46). Takok matsüngdang asen bendanga agütsüba kuli ashibaji Kibuba dang tashi angaba den kasa masü. Mapa tajung inyakbaji tashi angaba den kasa masü.

Tsüngremi chuba Saul dang ainkar maru tashi ataa alitsü ashi. Atatsü melen Sauli mapa ajak pa ket nung agi aser tarungba tenla agütsü. Tanga mapa tajung Sauli inyakbaji tashi angaba mapa masü liasü ta Sauli metetta aru (1 Sam. 15:22). Saul dang ama, Tsüngremi ashiba shidakji inyaksü Pai na nungi imlar. Tashi angaba agi dang Tsüngremi aginüba tashi angaba ataloktsür.

# Egypt nung Islam yimsü alia amangertemi Khristantemki rongdoktsü

**April 26, 2024:** Mongolbar Makarios-i ketdangsertem aonung (April 13) Egypt nung dang iba osangji metetdakja Minya Governorate kübok in liasü.

Al-Fawakher yimdak Islam K e t d a n g s e r t e m i yimsü alia amangertemi Khristantem nem security Coptic Orthodox Khristantem sepaitem lemzüksütsü ta meyong ki aser dokan aika nangzüka liasü, ajisüaka rongdoktsüogo, ta nangzüka ama meinyakba agi International Christian Khristantem takoksa nguogo. Concern (ICC)-i metetdaksü. Bodhbar anepdang tongti putiri Facebook post ka ajanga, ketdangsertemi miji kidang mi senoktsüba sülen enseptetogo aser melung Khristantemji kidang nungi meleme nisung kar puogo, ta jena meyoktsü atema metetdaksü.

Egypt nung Khristantem nokdangtsü meranga liasü, ajisüaka iba tatalokba nung Coptic Orthodox Easter Khristan shinga meyiru amongtsü atema hopta ana shi dang lia Islam yimsü alia mesüra masü.

Egypt nung Khristantem Coptic Orthodox Easter amongtsü atema hopta ana shi dang lia Islam yimsü alia amangertemi Khristantem anema inyaker. Iba yimdakji Khristan anema inyaker. Iba yimdakji Khristan kibong 3,000 shi lir. Yimdak Tenla ki ka asütsü atema Egypt yimtiba, Cairo Khristantemi temelaba densema Alexandria ama nguogo, ta osang prokba sülen tongti yimtitem nungbo Khristantem anema inyakba Khristantem anema inyakba kangabo mataloker, ajisüaka south tsütsülenbo asütsü atema Khristantem Khristantemi mapang shia nem temelaba agütsüba sülen timtem ajangshir.

2011 küm 2016 küm Arogo lenirtem amokmerena tsüngda Minya nung Coptic Khristantem anema inyakba tatalokba 77 liasü, ta Egyptian Initiative for Personal Rights- nung tongti putir, Abna i metetdaksü.

### AO OSHI ANGAZÜKDAK: TANÜ ANGAZÜKTSÜBA OJANG



#### Süingkhü

(n) süingdong kati süingolio, süingsang aser süingjang abenba khuret ( laden of a tree)  
 \* Süingdong nung kongsang aika süingkhü makok kosüka tsüker.

#### Süingkhüm

(n) yimdaki aiba kikümbang (village gate)  
 \* Tanü asüingbo yim ajak nung süingkhüm tajung yanglua angur.

### OLONG PAITEP # 6769

1			2		3			4
							5	
6		7						
				8		9		10
	11							
12								
					13			
				14			15	
16								
							17	

#### TIPIEN

- 1. Tajinütsü / Akhüm aketba - (4)
- 5. Tebilemba oren züluba - (4)
- 6. Shisatsü agütsüba shilem- (7)
- 10. Talangka mao - (3)
- 11. Apidang / Shisadang - (9)
- 12. Tera - (3)
- 14. Chir anüingba - (7)
- 16. Süingdang / Mechi - (4)
- 17. Azüingteta aliba li - (4)

#### LANGTSÜNGLEN

- 1. Merla-i azü ajem - (5)
- 2. Alima nungi pila-a ao - (3)
- 3. Nuchi masu - (4)
- 4. O jembiba shilem - (6)
- 7. Ki mapa inyaksü ayuba - (5)
- 8. Tsük asepbba oset - (3)
- 9. Yamaji / Ajita - (3)
- 10. Anameta - (5)
- 11. O tali jembir - (6)
- 13. Tarutsü indang ashi - (4)
- 15. A \_\_\_ \_ en - (3)

### OLONG PAITEP # 6768 TELANGZÜBA

#### LANGTSÜNGLEN:


- 1. Temesen, 2. Raksa, 3. Aon,
- 4. Aso, 6. Nile, 9. Alizüing,
- 10. Omen, 11. Lemta, 13. Ola,
- 14. Kin.

#### TIPIEN:

- 1. Tesangra, 5. Mungo, 7. Kisen,
- 8. Salem, 12. Semki, 14. Kilem,
- 15. Kensü, 16. Sangpang.

## NAI-A YA METETTER MA

### ALIMA NUNG SPOON TILATIBA



India nung Shashikant Prajapati-i alima nung spoon tilatiba yanglutetogo. Pai süng agi 1.6 millimetres (0.06 inches) tasazük spoon ka yanglu aser iba atema Guinness World Records-i kuli agütsüogo. Shashikant Prajapati ya micro artist ka lir aser pai iba spoon ya craft knife aser surgical tool ka amshia yanglu.

## Tashiyim amshia Congress nem vote meinokdaksü: Jairam Ramesh MPCC-i II-Outer Manipur nung re-poll asütsü akhanger



**Imphal, April 26, 2024 (Agencies):** Outer Manipur kübok Ukhurul district nung Congress masü saka BJP den yariteper Naga People's Front (NPF) pusemtsü rongshiogo ta Congress lennir Jairam Ramesh-i ashi.

Iba inyakyim atema security forces-i mapa kecha meinyak aser asen taküm nung kanga dang tongtipang elections nung iba ama mapa inyakba atema sasar ta Ramesh-i ashi.

"Iba video ya tanü Ukhurul District, Outer Manipur nung

agiba lir. Vote enoktsürtem dang Congress masü saka BJP den yariteper NPF nem dang tashiyim agi vote enokdaksür. Asen democracy mali kümogo anungji security forces-i repranga dang noktaker" ta pai X nung video ka lemsatop.

Külen, Sadar Hills Kangpokpi District nung Kuki-Zo nungeri voting nung shilem magi. Senapati District kübok polling station kar nunga parnoki shilem magi.

April 26 nü Outer Manipur

Parliamentary Constituency nung assembly segments kübok polling stations 827 nung polling süogo.

Maneni, Manipur Pradesh Congress Committee (MPCC)-i polling station aika nung re-poll asütsü takhangba agütsüogo.

Mejangjaba nisungtemi EVM machine raksatsü, booth makdok, poll nung tim masüba inyak aser tashiyim agi vote enoktsü ta MPCC-i Chief Electoral Officer, Manipur dangi shidi zülüogo.

II-Outer Manipur Parliamentary Constituency kübok 43-Phungyar (ST) Assembly Constituency aser 44-Ukhurul (ST) Assembly Constituency nung item mapa inyak ta parnoki shia lir.

MPCC-isa CEO Manipur dang item inyakyim atema mapa inyaksü aser election timi tiptema agitsü ayongzükogo.

## Assam Forest ketdangsürtemi BJP nem vote enoktsütsü tuyu

**Guwahati, April 26, 2024 (Agencies):** Assam nung ashishitep aketba IFS ketdangsür MK Yadava aser tanga forest ketdangsür 8 anema ken o ka benokogo.

Parnoki Hailakandi district nung tamangba yimsü tsütsü nübo agi tangar memenepertem dang Karimganj BJP candidate yaritsü mesüra bulldozers amshia aridoktsü amokmeren ta aitsür.

April 26 nü Karimganj district nung polling agiogo aser iba Lok Sabha menden nung Congress candidate Hafij Rashid Ahmed Choudhury aser BJP candidate MP Kripanath Mallah na tokteper.

Hailakandi district kübok Butukusi yimertemi local court ka nung MK Yadava aser forest ketdangsür 8 anema ken o benok. MK Yadava ya special chief secretary (forest) inyaker.

Yimdaklirtemi Silchar chief conservator of forests Rajiv Kumar Das, Hailakhandi forest division district forest officer Akhil Dutta, IFS officer & Cachar division DFO Vijay Timbak Palve, Cherangi range Ratabari deputy in-charge Monoj Sinha, Cherangi range forester Ajit Paul, Dullavcheera beat officer Faiz Ahmed Borbhuya,

Cherangi forest guard Tapas Das, Cherangi beat officer Abdoon Nur aser Cherangi forest guard Faizuddin Laskar nung anema ken o benok.

Butukusi yimdaklirtemi chief judicial magistrate Karimganj dang iba tatalokba atema bushisüingdang ka asütsü tetuyuba agüing ta mepishiogo.

Karimganj CJM nung Soidul Ali, Dilwar Hussain, Mojmun Nehar aser Alimun Nesa nungeri ken o ji benok. Parnok ajak ya Butukusi nung lir.

"Ano tanga forest staff, police personnel, Assam Police commandos/Forest force süoshi tanak subor parnok 40/45 shi ka lir" ta ken o benokertemisa shia lir.

April 21 nungi iba temeket nung Muslim nung teimba ser aliba yimsüingtem nung iba amai amokmerenba osangtem lir.

Tesüiba anogo asem tashi tai tonglokja alirtem den Assam Police commando/Forest force 4-/45 shi kati tesem aika nung BJP candidate Kripanath Mallah nem vote enokjang ta amokmerena senzür. Parnoki nisungtem kidang nungi kimai aludaktsür noksa agir aser BJP candidate nem vote meinoktsüra June 7, 2024 sülen bulldozer amshia kidang nungi meindoktsü

ta ashi, ta ken o benokertemisa metetdaksüogo.

Parnoki o tamajung shia merenshi aser BJP candidate nem enokjang ta ashi. Onok kidang anisüingzuka linüra BJP candidate nem vote enoktsütsüla mesüra meindoktsü amokmeren, ta parnokisa ashi.

Ken o benokertemisa okadak parnok metentsü atema noksa aser video clips peira dang lir ta shiogo.

Ministry of Environment, Forest and Climate Change (MoEF&CC)-i tawa tu Deputy Director General of Forests (DDGF), MoEF&CC, Regional Office, Shillong dang MK Yadava anema mapa inyaksü tetuyuba agütsüogo.

MK Yadava-i Centre sorkar nungi temelaba magii forest land nung non-forestry maparen inyadaksüba anema iba tetuyuba ya agütsü. Tesüiba nunga National Green Tribunal (NGT)-i iba ken o atema Yadava jaoka liasü.

MK Yadava ya February 19 nü Assam PCCF aser head of the forest force (HoFF) mapa nungi mapang agi tonger sodi angu aser iba sülen Assam sorkari pa special chief secretary (forest) ama tanaben shima liasü.



Mizoram nung private non-banking financial company ka anema Rs. 150 crore tashi ashikülak mapa inyaker nisungtem apuba sülen agiba noksa angur. Iba maparen nung local car dealers pungu densema liasü aser Mahindra and Mahindra Financial Services Limited (MMFSL)-i March 20 nü Mizoram police tsüingdang ken o benokba sülen iba tim masüba mapa putet. MMFSL-i parnok Mizoram area business manager Jakir Hussain (41) anema ken o benoka liasü aser pai vehicle loan agütsüdang ashikülak mapa inyak ta Mizoram Director General of Police (DGP) Anil Shukla-i ashi.

# Gaza nung ceasefire makai Hamas-i pua alirtem mechioktsü

**Gaza City, Rongchii/April 26 (Agencies):** Palestine nunger Hamas teloki ashiba agi, Gaza nung rara tatem kati arutsü asoshi tezüngzüktep agitsü atema bendanga agütsür inyaker, saka teti asoshi ceasefire aginüba melira tamakoktsü.

Iba telok indang political bureau nung züngsem Khalil al-Hayya-i ashiba agi, tezüngzüktep indang framework nung aliba ama Israel nunger pua alirtem chioktsü asoshi Hamas-i nendaka inyaker, kong Israel nunger jail nung Palestine nunger meyirijang aika puoka aliba chioktsü dena lir.

Teti asoshi ceasefire medeni aser Israel-i Gaza Strip amakba ajunga manen tashi Hamas-i rara anena atatsü magizüktsü, ta pai Brehostibarnü ashi.

October 7 nü nungi tenzüka Israel-i Gaza maka arudang Palestine nunger nisung 34,356 tepsetogo aser 77,368 yirua lir, ta Gaza nung aliba health

ministry ajanga ashir. Tesüiba ghonda 24 tsüngta nisung 51 tepset aser 75 yiru, ta ashi.

Gaza Strip tesem balala nungi jenshia aliba Palestine nungertem tetsükdak makai kidangi meyipa shilangtsü, Gaza tanaben yanglushitsü aser amakba anentsü indang al-Hayya-i nenshia ashi.

Hamas-i United States amendment ka atema April 13 nü telangzüba agütsüogo aser Israel aser tetsüngtai ia yimjung ken o jembir nungi tang tashi telangzüba magütsü lir, ta pai ashi.

Israel aser Hamas tsüngta ceasefire atema jembishinüba nung terenlok makai arur, kechiaser anatsülen nungi akhangba nung atsü-anem akatsü kangabo mesayur, saka international mediators Qatar, United States aser Egypt linük lenirtemi kanga meranga jembishinüba arur.

Israel ketdangsürtemi Hamas-i akhangba ya mangpo-


mangraba mapa ka lir aser Gaza Strip nungi Israel sepaitem ainshiba ajanga rara nung tamakok ajuruba den kasa asütsü, ta ashir.

Egypt, Israel aser US ketdangsürtemi Honibarnüa tsüngtong ajurutepa senden amen aser meta balala nungia mena liasü aser Hokulbarnü Cairo nung Egypt aser Israel ketdangsürtem senden amentsü lir.

Gaza nung azüdokshi tatem kati arutsü asoshi lenmang lapoka Hamas-i pua alirtem chioktsüla, ta US aser danga linük 17-i takhangba agüja liasü.

"Gaza nung Hamas-i anogo 200 dak tema pua yua alir ajak tekeratiba nung chioktsü akhanger," ta Argentina, Austria, Brazil, Bulgaria, Canada, Colombia, Denmark, France, Germany, Hungary, Poland, Portugal, Romania, Serbia, Spain, Thailand aser United Kingdom lenirtemi Brehostibarnü sangdong ka agütsüba nung shia liasü.

# US aser China ya tsükchir masü tembar asütsüla: Xi Jinping



**Beijing, Rongchii/April 26 (Agencies):** Hokulbarnü China Tir Xi Jinping-i US diplomat Antony Blinken dang alima nung rongsenketzüng tsütsü tashi tulutiba linük ana ya tsükchir masü tembar asütsüla saka linük ana tesendaktep nung ken o aika angatetteptsü lir ta ashi.

Blinken ya China nung lir, koba küm ka majungdang tanaben semdang alitsü aser pai Beijing nung China nunger yimten yimsüsürtem ajurua liasü. Pai Russia, Taiwan aser shishilembaba densema ken o balala nung mangatettep aliba indang indang indanga jembitsü, ta US ketdangsürtemi ashi.

Beijing nung aliba Great Hall of the People nung Blinken ajuruba mapang, taoba küm US Tir Joe Biden den ajurutepba sülen linük ana tsüngta terenlok tajung kar lir, ta Xi-i ashi.

"Linük ana ya tsükchir masü tembar asütsüla. Ken o aika angatetteptsü lir, aser tarutsü nung mera agitsüa lir," ta China leniri ashi.

"US-ia China indang terenlok ya tajunglen nungi reprangtsü onoki imlar," ta pai ashi. "Item ken o ya kodang angatettepdir, tesendaktep tajungba akumtsü aser tejakleni aotsü."

China indang foreign minister Wang Yi-ia Blinken dang US-i nungshiba ajanga tensa tamajungba akumtsü ta ashi, kechiaser Blinken-i Russia yariba densema ken o balala indang tebilemstü lemsatepa

liasü. Taiwan otsü ya "red line" mezüngbuba lir aser China-US tesendaktep nung ibaji majangtsüla, ta Wang-i tekumdangtsü ashi.

Diaoyutai state guest house nung Wang den ghonda pongu dak tema senden amenba mapang ken o jenti jembioigo aser tajunglen nungi jembi, ta Blinken-i ashi.

Beijing nung China ketdangsürtem den ajurutepba sülen osangbener den jembidang, US-i China den tesendaktep tajungba akumtsü meranger, ta US Secretary of State Antony Blinken-i ashi.

China-i Russia yariba indang onük ni süok aser Moscow-i Ukraine amakba ya Beijing-i yariba dak keta lir ta shiogo.

"China teyari medeni Russia-i Ukraine amakba nung timtem ajurutsü," ta Blinken-i osangbener dang ashi.

China-i machine oset, microchips aser danga components tem Russia nem maneni agütsüba indang ni nenshia shiogo, kechiaser Russia-i Ukraine amakba nung itemji amshir, ta pai ashi.

China indang production levels ya asenoki tamale movie nung ngur aliba amai lir, ta ashi.

Tir Joe Biden-i America nunger mapa mesamadaktsütsü, kechiaser pau US ya 'level playing field' ka nung ama toktepdaktsüner, ta Blinken-i ashi. "Onoki China indang rongsenketzüng indaktsüner,

saka China ainba yimya dak keta lir. Tetetzü tesendaktep tajung alitsüla aser yangji America nungera lasa aser timi amshitsüla," ta pai ashi.

Tesendaktep indang süoka jembidang, ni China sorkar dang South China Sea nung lendong aketba mapa inyakba indang shiogo, ta Blinken-i ashi.

Tensa ajemdaktsütsü atema US-i inyaktsü. Hong Kong indang autonomy samaba, Tibet nung human rights anema inyakba indang ni süoka jembioigo, ta ashi.

Middle East nung tensa tamajungba mekumdaktsütsü asoshi Iran aser dangartem majungshitsü ni China dang ayongzükogo, aser iba atema US-i maneni China den ken o jembitsü, ta pai ashi.

Biden-i rongsenketzüng tsütsü tebilemstü agütsüba ajanga China jashir - koba election küm tajemba makumtsü amai ajiteter - aser yangji China nunger kibur ket nungi video app TikTok agientsü merangba densema lir.

Hokulbarnü Beijing nung Tir Xi Jinping aser Blinken tsüngta senden amenba mapang, China-i tetoktepba tsüboa mali, saka tetoktepba ya arok terenlok atema asütsüla aser ka tazüngla kumdaktsütsü atema masütsüla, ta Xi-i ashi.

Pei sasa pei dak temulung lemteta, teladak, yimchiyimjung aser terenlok aliba United States ngua ozü linük pelar aser United States-ia China indang terenlok tajunglen nungi reprangtsü imlar, ta pai ashi.

"Alima nung tesunep alitsü, linük ajunga terenlok asoshi maongka adokdaktsütsü, alima asoshi nüburtemi nüngdakba osetsüset agütsütsü aser alima telungjem asoshi shilem tajung agitsü atema linük ana yagi süoki ia bilema inyaktsüla," ta China tiri ashi.



**DIMAPUR GOVERNMENT COLLEGE**  
ESTD. - 1966  
NAAC Accredited B+Grade  
(Affiliated to Nagaland University)

**ADMISSION 2024**  
UG PROGRAMME (ARTS & COMMERCE)



**COURSES OFFERED:**

- Bachelor of Arts (B.A.) Major
  - (i) Economics (v) Philosophy
  - (ii) Education (vi) Political Science
  - (iii) English (vii) Sociology
  - (iv) History (viii) Psychology
- Bachelor of Commerce (B.Com.) Major

**Eligibility:** A candidate should have a minimum of 45% in aggregate in HSSLC Exam

➤ Filling of Admission Form Online (Registration)	: 27 <sup>th</sup> April 2024 to 2 <sup>nd</sup> May 2024
➤ Entrance Test (Physical in College Campus)	: 04 <sup>th</sup> May 2024
➤ Time of Entrance Test	
➤ 1. Arts (Education/English/History/Philosophy/Political Science/Psychology/Sociology)	: 09:30 am to 11:30 am
➤ 2. Commerce & Economics	: 12:00 pm to 02:00 pm
➤ Venue of Entrance Test	: Dimapur Government College
➤ Declaration of 1st Selected List	: 13 <sup>th</sup> May 2024
➤ Admission for 1st Selected List after Physical verification of Original documents in the College	: 14 <sup>th</sup> - 16 <sup>th</sup> May 2024
➤ Declaration of 2 <sup>nd</sup> List (Depend on availability of seats)	: 17 <sup>th</sup> May 2024
➤ Admission for 2nd Selected List after Physical verification of Original documents in the College	: 18 <sup>th</sup> -20 <sup>th</sup> May 2024
➤ Declaration of 3rd List (Depend on availability of seats)	: 21 <sup>st</sup> May 2024
➤ Admission for 3rd Selected List after Physical verification of Original documents in the College	: 22 <sup>nd</sup> May 2024
➤ Orientation of 1st Semester for all	: 3 <sup>rd</sup> June 2024 (10:00 AM)

➤ For registration and further details kindly refer prospectus in the college website  
<http://www.dimapurgovtcollege.in/>

**\*HELP DESK NUMBERS:**  
Monday to Saturday during office hours-10:00 am -04:00 pm  
\* Admission Procedure & Entrance Test  
1. Arts : 9863332524 | 9366127445 | 9366317208  
2. Commerce : 9366443881  
\* Technical Support for Online Application : 9366493332



**Office of the AOsENDEN BAPTIST AROGO**  
P.O. Mangkolemba, B.P.O. Chungtiayimsen  
Dist. - Mokokchung, Nagaland  
"Khrista aser Arogo Asoshi"

**SANGDONGER**

Aosenden Baptist Arogo Building Committee ajanga Raffle draw adoka, koba 3<sup>rd</sup> May 2024 anogo nung draw asütsüba lir, ibaji koda masüba timtem kar ajanga thienena atar. Iba drawji 2<sup>nd</sup> August 2024 anogo nungang agitsü ta committee ajanga sangdonger.

<b>Sd/-</b>	<b>Sd/-</b>
<b>Convenor</b>	<b>Secretary</b>
<b>Church Building Committee</b>	<b>Church Building Committee</b>
<b>Aosenden Baptist Church</b>	<b>Aosenden Baptist Church</b>



**JUBILEE MEMORIAL COLLEGE**  
MOKOKCHUNG

**Admissions Open for 2024 !**

<p><b>Major Courses</b></p> <ul style="list-style-type: none"> <li>• BA (Economics)</li> <li>• BA (English)</li> <li>• BA (History)</li> <li>• BA (Political Science)</li> <li>• BA (Psychology)</li> <li>• BA (Sociology)</li> </ul>	<p><b>Certificate/Skill Courses *</b></p> <ul style="list-style-type: none"> <li>• Diploma in Computer Applications (DCA)</li> <li>• Cutting &amp; Tailoring</li> <li>• Basic Music theory &amp; Sight Reading</li> <li>• Domestic Electrician</li> </ul> <p>* Open to both JMC &amp; non-JMC students.</p>
---	---

**Extra Benefits**

- Students' Welfare Programme
- LCD Projectors and free Wifi in all classrooms
- Radio Broadcasting Lab
- Games and Sports facilities
- Earn While You Learn

• Get your admission forms either in person at the JMC office or online by emailing [admission.jmc.2024@gmail.com](mailto:admission.jmc.2024@gmail.com).  
• Scan the QR code to access our admission page and download the prospectus.  
• Visit <https://jmc.edu.in> for updates



# Tanzania nung tzünglu sashia aru, nisung 155 shi asü

**Dodoma, Rongchii/April 26 (Agencies):** Tanzania nung hopta aika tzünglu aruba ajanga tzümetsüng adoka anentsüh aluba lendong nung nisung 155 asü aser 236 yiru, ta ato kilonseri ashi aser iba East Africa linük nung tzünglu kanga sashia aruba manener.

El Nino climate pattern ajanga tang meyi tzüngluru tamajungba kumdaktsür aser tzümetsüng adoka lenmang, apu aser railway lenmangtem raksatsür, ta Ato Kilonser Kassim Majaliwa-i Parliament nung ashi.  
*(Maneni tapak 8 nung...)*

### Senior Men's Inter-District OD cricket tournament 2024 osang

**Dimapur, Rongchii/April 26 (TYO):** Sovima Cricket Ground aser Nagaland Cricket Stadium nung April 26, 2024 nü tang tasayadak Senior Men's Inter-District One Day Tournament 2024 (cricket) asayamung match ana jangratema asaya liasü.

Sovima Cricket Ground nung Kiphire aser Mon tsüngta asayaba nung Mon-i wicket pongu agi takok angu.

Swamwang Wangnao-i kanga junga asayateta runs 32 (not out) ngutetba den ano paisa runs 10 agütsür wicket asem agia pa nem Player of the Match sempet agüja liasü.

Kiphire nungi asayartemi runs 99 dang yanglutet aser Mon nungi asayartemi wicket

pongung dang out sür ayong-ayonga runs 101 nguteta liasü.

Kasa mapang Nagaland Cricket Stadium nung Peren aser Phek tsüngta asayaba nung Peren-i runs 50 agi takok ngua liasü.

Argha Ray-i runs 119 yangluteta pa nem Player of the Match sempet agütsü.

Peren-i mezüng batting asü aser iba mapang parnoki runs 251 yanglutet, saka Phek-i runs 201 dang yangluteta liasü.

**Match Summary 1:**  
Kiphire vs. Mon  
Kiphire: overs 27.5 nung 99/10 (Bohoto Yeptho 25, Upender Rai 16; Moa Sunep 4/33, Swamwang Wangnao 3/10)  
Mon: overs 21.1 nung 101/

5 (Swamwang Wangnao 32\*, D Kalu Rao 25; Sani Das 3/51, Bohoto Yeptho 2/19)  
Result: Mon-i wicket 5 agi akok  
Player of the Match: Swamwang Wangnao (Mon), not out 32, 3/10

**Match Summary 2:**  
Peren vs. Phek  
Peren: overs 43 nung 251/10 (Argha Ray 119, Amit Marak 54; Lawrence Vero 5/52, Velanyi Rhakho 3/32)  
Phek: overs 45.1 nung 201/10 (Lawrence Vero 54, Mark Angami 30; Om Sangma 3/30, Bamyibe Npanme 3/31)  
Result: Peren-i runs 50 agi akok  
Player of the Match: Argha Ray (Peren), 119 runs of 121 Balls.

### Boys' Under-16 Inter-District Multi-Day Tournament 2024

**Dimapur, Rongchii/April 26 (TYO):** Peren district kübok Jalukie Town nung aliba St. Xavier College Ground nung April 26, 2024 nü Boys' Under-16 Inter-District Multi-Day Tournament 2024 asaya liasü, kong Niuland-i Chümoukedima amokbanger asayateta liasü.

Mezüngbuba inning nung Niuland-i wicket 10 out sür runs 155 yanglu aser Chümoukedima-i telangzüba junga magütsüteti runs 38 dang yangluteter wicket 9 out süadoker liasü.

Tanabuba inning nunga

Niuland-i kanga junga asayateta wicket 10 out sür runs 82 yanglutet aser Chümoukedima-i wicket 10 out sür runs 68 dang yangluteta Niuland-i runs 131 agi takok angu.

Kasa asayamung Kohima nung Dimapur aser Tseminyu tsüngta asayaba nung Tseminyu ya inning mezüngbuba nung runs 32 dang yangluteter asayar ajak out sütsü.

Iba sülen Dimapur-i wicket 9 agir runs 454 yangluteter declare asü. Inning tanabuba nunga Tseminyu-i masayateti

wicket 10 out asüba mapang runs 28 dang yangluteta liasü.

Iba asaya nung Dimapur-i inning ka aser runs 394 agi Tseminyu madak takok ngua liasü.

Nagaland Cricket Association kübok iba asayamung live updates ya Instagram: @nagalandcricketassociation, Facebook: @Nagaland Cricket Association, X: @NagalandCricket aser YouTube: Nagaland Cricket Association nung reprangtetsü.

### Tanzania nung tzünglu sashia aru... (Tapak 7 nungi...)

"Linük tesem balala nung El Nino tzünglu tesashi den mopung tashi agi aonba, tzümetsüng aser anentsüh ajanga teraksa tulu bener arutsüogo," ta Majaliwa-i Parliament nung Brehostibarnü ashi.

El Nino ya alima nung tatsük tali akumba aser tzüngsa-rusa aser tzünglu sashia aruba tzüngsang-mopung den sendaktepa lir.

Libajen samaa aoba ajanga tzünglu arudang timtem tali ajurur, aser ibai talisa arem samaba, aluyimba tsütsü junga meshisadangi inyakba, talisa arem jidoka arongba aser tazüokba makai shiruru chiyimdaktsüba ajanga lir, ta Majaliwa-i ashi.

Tzünglu yagi nisung 200,000 dak tema aser kibong 51,000 dak kongshio. Tzü agi metsüngbanga aliba school tem shibanga lir aser emergency services temi tzümetsüng nungi nüburtem kumzüker, ta ato kilonseri ashi.

Telemoklen alirtem tenem leni aotsüla aser district

ketdangsür temi timtem ajurur alir nem teyari agütsütsüla, ta Majaliwa-i ashi.

Ita tenzüker tzünglu aser tzümetsüng nung tila-tanurtem densema nisung 58 süogo, ta sorkari April 14 nü shia liasü.

East African region nung tang meyi tzünglu ya takum tali arur aser kidanger Burundi aser Kenya nunga tzümetsüng adokba osang lir.

Kenya nunga Hombarnü tashinung nisung 35 sür liasü aser ano timba asütsü imlar, kechiaser linük tesem ajungalen tzümetsüng maneni adoker.

Brehostibarnüa linük yimtiba Nairobi tesem kar tzü agi metsüngbanger liasü aser Kenya nung dang saksalema alitsü shio, kechiaser linük tesem ajungalen ano tzünglu sashia arutsü takzüteta lir.

Nairobi kübok Mathare tesem nung Bodhbarnü tzümetsüng nungi nisung tasümaning pezü ngutet. Mathare River nungia tasümaning aika agitetogo ta ashir.

Kenya Tir William Ruto-i

anir multi-agency flood response meeting ka Brehostibarnü amen aser National Youth Service dang tzümetsüng agi kongshir alir nem ali agütsütsü tuyu.

Tzümetsüng agi kongshir alir nem chiyongtsü aser danga osettsüset agütsütsü aser tzümetsüng mesüra anentsüh alutsü anasa alirtem ainshidaktsütsü, ta Deputy President Rigathi Gachagua-i osangbener den jembidang ashi.

Burundi nunga ita aika tzünglu aruba mechi nisung 96,000 shi tesem balala nung prokshia lir, ta United Nations aser sorkari ita tetenzüklen shia liasü.

Somalia nunga "Gu" tzünglu (April nungi June) tesashiba akumer aser April 19 nungi ajungben tzümetsüng adokba lir, ta UN Office for the Coordination of Humanitarian Affairs (OCHA) ajanga tan hopta tetenzüklen shia liasü.

Uganda nunga yipru tesashi arua ayong nungi tzü muteta adokba aser nisung ana asüba osang lir.

### Kohima nung KIRTI Assessment Tests tenzükogo

**Dimapur, Rongchii/April 26 (TYO):** Department of Youth Resources & Sports, Government of Nagaland ajanga Sports Authority of India, North Eastern Regional Centre, Imphal (SAI NERC Imphal) den lungjemer saisapong balala nung Khelo India Rising Talent

Identification (KIRTI) Assessment Tests agia region nung saisapongtsü sempet tajung aliba lanurtem anidentsü. Iba assessments ya April 26 nungi May 1, 2024 tashi anogoshi anepdang 9:00 ako nungi tenzükog IG Stadium, Kohima nung alitsü.

#### KIRTI assessments tests ya tsünglanglen shia aliba anogotem nung agütsü:

SI No.	Discipline	Date
1	Archery	April 26th, 2024
2	Athletics	April 27th, 2024
3	Wrestling	April 29th, 2024
4	Boxing	April 30th, 2024
5	Football	May 1st, 2024

Iba sentong nung arishi küm 9 nungi 18 tsüngta saisapongtsü tejangraba alirtem arua shilem agitettsü. Athletes temi pei nungdakba süposolemtsü aser hadir bener arutsüla, talisa running shoes aser football cleats ama tsüngsem aser saisapong den apet bener arutsüla.

Project KIRTI ya pyramidal structure balaka nung inyaksangshir, kong sempet tajung aliba jangjatetsü asoshi scientific tsütsü nungi tendanger.

Iba sentong ya ajanga SAI-i

performance evaluation atema "Bharat Benchmarks" amenoka India nungeraisapong nung tajungtiba kumdaktsütsü merangtsü.

Iba maparen yagi sempet tajung aliba saisapongtertem jangjatetba kisung masü saka takok tasen angutsü aser linük nung saisapong tsütsü tarutsü nükla tajung kumdaktsütsü.

Iba dak sendakba nung osang tejangjaba metetner temi 9635886548, 8287651060 (Hindi) nung tongteprateptsü akok.

### Archery World Cup: Surekha aser Verma na Compound Mixed Team final tongogo

**Shanghai, Rongchii/April 26 (Agencies):** Tetoktepa pezü nung India nungeraisapong gold-medal round tongteta lir aser itemji compound men's, women's, mixed categories aser men's recurve alitsü.

Recurve individual category nung elimination round ya Hokulbarnü menur tenzüktsü.

India nungeraisapong seeded tanabuba nung alir Jyothi aser Verma ya opening round bye nung ata aser 160 nungi 160 nguteta Australia nungeraisapong Geogina Graham aser Brandon Hawes na points ti agi tsükdaktsü.

Iba sülen rank 10 buba nung aliba Luxembourg nungi Mariya Shkolna aser Gilles Seywert na madak tenati 155-151 agi koka liasü.

Semi-final nung Andrea aser Mendez Ortiz nati 10s asem aser 9 ka nguteta 39-38 nung mezüng round tembang.

Ajisüaka tanabuba set nung Iba asayamung nung Indian archers ya final pezü asayatsü qualify süogo aser compound individual events nung medal ana angutsü meranger - kong Jyothi aser Priyansh na semifinals nung lir.

India nungeraisapong gold-medal round tongteta lir aser itemji compound men's, women's, mixed categories aser men's recurve alitsü.

Recurve individual category nung elimination round ya Hokulbarnü menur tenzüktsü.

India nungeraisapong seeded tanabuba nung alir Jyothi aser Verma ya opening round bye nung ata aser 160 nungi 160 nguteta Australia nungeraisapong Geogina Graham aser Brandon Hawes na points ti agi tsükdaktsü.

Iba sülen rank 10 buba nung aliba Luxembourg nungi Mariya Shkolna aser Gilles Seywert na madak tenati 155-151 agi koka liasü.

Semi-final nung Andrea aser Mendez Ortiz nati 10s asem aser 9 ka nguteta 39-38 nung mezüng round tembang.

Ajisüaka tanabuba set nung Iba asayamung nung Indian archers ya final pezü asayatsü qualify süogo aser compound individual events nung medal ana angutsü meranger - kong Jyothi aser Priyansh na semifinals nung lir.

**BILEMDANGANG**  
"Tajungtiba nung inyaker shinga-ia kodanga mesasar."